



Ráðhús Reykjavíkur
Borgarráð

Efni: Breytt rekstrarleyfi leikskóla og aukið framlag til Félagsstofnunar stúdenta - Mánagarður

Á fundi skóla- og frístundaráðs þann 5. apríl 2017 var lagt fram minnisblað sviðsstjóra skóla- og frístundasviðs, dags. 30. mars 2017, ósk um breytt rekstrarleyfi leikskóla og aukið framlag til Félagsstofnunar stúdenta – Mánagarður, beiðni um stækkun og fjölgun dvalarrýma á leikskólanum Mánagarði, dags. 26. janúar 2017, þjónustusamningur skóla- og frístundasviðs við Félagsstofnun stúdenta, dags. 19. maí 2010 og viðauki við samning aðila, dags. 23. janúar 2015 auk reglna Reykjavíkurborgar um rekstrarleyfi leikskóla, samþykktar í leikskólaráði 26. nóvember 2008.

Skóla- og frístundaráðsfulltrúar Samfylkingarinnar, Bjartrar framtíðar og Vinstri grænna og áheyrnarfulltrúa Pírata lögðu fram svohljóðandi tillögu:

Lagt er til að viðmið um hámarksfjölda reykvískra barna sem heimilt er að greiða framlag vegna til Félagsstofnunar stúdenta vegna Mánagarðs verði breytt með þeim hætti að miðað verði við að hámarksfjöldi reykvískra barna sem heimilt er að greiða framlag vegna geti orðið 98 í stað 68 frá 1. september 2017 eða síðar ef rekstrarleyfi leikskóla vegna stækkunarinnar liggur ekki fyrir á þeim tíma. Gerður er fyrirvari um að Félagsstofnun stúdenta fái útgefið rekstrarleyfi leikskóla vegna stækkunar leikskólans en eitt af skilyrðum þess er að umsögn foreldraráðs liggi fyrir. Sviðsstjóra er falið að gera viðauka við núverandi samning aðila frá 19. maí 2010, þar sem kveðið er á um fjölgun barna þegar framangreindu skilyrði um útgáfu rekstrarleyfis hefur verið fullnægt.

Tillagan var samþykkt og vísað til borgarráðs.

Tillöggunni er hér með vísað til borgarráðs.

Virðingarfyllst

Helgi Grímsson
sviðsstjóri skóla- og frístundasviðs

Hjálagt:

Minnisblað sviðsstjóra, dags. 30. mars 2017

Ósk um breytt rekstrarleyfi og aukið framlag, dags. 26. janúar 2017

Þjónustusamningur, dags. 19. maí 2010

Viðauki við samning, dags. 23. janúar 2015

Reglur Reykjavíkurborgar um rekstrarleyfi leikskóla, dags. 26. nóvember 2008

Reykjavík, 30. mars 2017
SFS2015030161
117. fundur / fskj. 5.1
HG/hs

MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðssjóri skóla- og frístundasviðs

Efni: Ósk um breytt rekstrarleyfi leikskóla og aukið framlag, Félagsstofnunar stúdenta - Mánagarður

Í erindi Félagsstofnunar stúdenta, dagsett 26. janúar 2017, er óskað eftir leyfi til að stækka leikskólann Mánagarð. Núgildandi rekstrarleyfi kveður á um að heimilt sé að hafa í leikskólanum 80 börn. Skv. þjónustusamningi er heimilt að greiða framlag vegna 68 barna á aldrinum 18 mánaða til 6 ára.

Óskað er eftir að fjölga börnum um 60 til 70 og að þau verði á aldrinum 18 mánaða til 6 ára. Gert er ráð fyrir að stækkunin verði gerð í einum áfanga og verði framkvæmd haustið 2017.

Færð eru rök fyrir því að biðlisti í leikskóla á vegum Félagsstofnun stúdenta sé langur og þörfin á auknu leikskólarými því mikil.

Fagskrifstofa leikskólamála mælir með því að leikskólinn fái heimild til að stækka við húsnæði sitt og börnum verði fjölgæð um 60 til 70 og að samþykkt verði að greiða framlag vegna 30 fleiri barna en nú er frá hausti 2017 með fyrirvara um að rekstrarleyfi verði samþykkt. Jafnframt verði samþykkt að heimilt verði að greiða framlag vegna 30 barna til viðbótar á skólaárinu 2017 -2018. Sá hluti umsóknar skólans verði afgreiddur þegar fyrir liggar nánari framkvæmdaáætlun. Framangreint verði samþykkt með fyrirvara um að skólinn fái rekstrarleyfi útgefið til samræmis við reglur Reykjavíkurborgar um leyfi til reksturs leikskóla.

Gert er ráð fyrir kostnaði upp á 6.220.361 kr. á mánuði eða 68.423.970 kr. á ársgrundvelli fyrir 30 börn miðað við að gerður verði samningur vegna barna frá 18 mánaða aldri.



Reykjavík, 26. janúar 2017

Skóla- og frístundaráð
b.t. Skúla Helgasonar
Formaður skóla- og frístundaráðs
Borgartúni 12 – 14
105 Reykjavík

Efni: Félagsstofnun stúdenta óskar eftir stækjun og fjölgun dvalarrýma á leikskólanum Mánagarði.

Frá árinu 1996 hefur Félagsstofnun stúdenta (FéS) rekið leikskólann Mánagarð á Eggertsgötu 34. Í upphafi sá Reykjavíkurborg um innritun og innheimtu en árið 2010 tók FS alfarið við rekstri skólans.

Frá 2008 hafa allir leikskólar FS starfað samkvæmt bandarísku uppeldisstefnunni Highscope. Það hefur skilað sér í mikilli starfsnægju sem sést best á lítillu starfsmannaveltu, fækjun veikindadaga til muna og hækkuðu faghlutfalli. Faghlutfall Mánagarðs er um 70%.

Hjá Félagsstofnun stúdenta er mikil reynsla og þekking á rekstri leikskóla. Engir aðrir skólar á landinu starfa samkvæmt Highscope stefnunni og hefur mikill metnaður verið lagður í menntun og símennun starfsfólks.

Samkvæmt síðustu þjónustukönnun eru 97% foreldra ánægðir með leikskólann og telja að markvisst sé unnið eftir skólanámskrá.

Félagsstofnun stúdenta hefur hug á að stækka leikskólann Mánagarð um 60 - 70 dvalarrými. Aldursdreyfing barna mun segja til um fjölda. Mikil eftirspurn er eftir plássi á leikskólum stúdenta og biðlistar langir.

Háskólasamfélagið telur um fimmtán þúsund manns og um 1.600 manns búá á Stúdentagörðum, þar á meðal mörg börn. Stór hópur stúdenta og starfsfólks Hí vill hafa börn sín á leikskóla sem er næst Hí hvort sem það býr í nágrenninu eða ekki. Viðvarandi skortur er á dagforeldrum í vesturbænum og biðlistar á leikskóla langir.

Par sem meirihluti foreldra á Mánagarði eru stúdentar var ákveðið að nýta ekki heimild til 15% gjaldhækkunar sem leyfð er samkvæmt samningum. Því er gjaldskráin sú sama og hjá Reykjavíkurborg og verður áfram ef rýmum verður fjölgað.

Eindregið er óskað eftir að í stækkuðum leikskóla verði börn á blönduðum aldri frá 6/9 mánaða til 6 ára. Í ljósi þess að allir leikskólar FS starfa samkvæmt sömu stefnu er mikill faglegur áhugi á að starfa með svo breiðan aldurshóp á einum og sama leikskólanum.

Unnt er að stækka skólann með því að breyta stúdentaíbúðum sem liggja að lóð leikskólans. Það eru u.þ.b. 320 fm eða 8 stúdentaíbúðir ásamt geymslum. Með þeim hætti er hægt að samnýta lóð, eldhús og faglegt stjórnunarteymi á Mánagarði.

Til að hægt sé að hefja framkvæmdir sem fyrst þarf niðurstaða Skóla- og frístundaráðs að liggja fyrir í byrjun apríl 2017, þar sem endurúthlutun og endurnýjun íbúa stúdentagarða fer að mestu fram á sumarmánuðum og gera verður ráð fyrir að flytja þurfi þá íbúa sem eiga rétt á endurúthlutun.

Þá væri hægt að hefja framkvæmdir á haustmánuðum og er gert ráð fyrir að stækkunin verði gerð í tveimur áföngum. Þá má gera ráð fyrir að taka inn um 30 börn í hvorum áfanga.

Ekki er óskað eftir fjárframlagi frá Reykjavíkurborg vegna framkvæmda við nýjan áfanga við leikskólan Mánagarð þar sem fjárhagsleg staða FS er sterkt og stofnuninni því fær um að standa straum af öllum framkvæmdakostnaði. Einungis er verið að fara fram á samning um rekstrar- og húsnæðisframlag vegna þeirra viðbótarrýma sem farið er fram á.

Ef óskað er eftir ítarlegri upplýsingum vinsamlegast hafið samband við undirritaða.

Virðingarfyllst

Sigríður Stephensen
Leikskólafulltrúi FS
sigridur@fs.is

Afrit sent:

1. Lif Magneudóttir; fulltrúi Vinstri grænna í stýrihópnum „Brúum bilið“
2. Örn Þórðarson; fulltrúi Sjálfstæðisfloksins í stýrihópnum „Brúum bilið“

3. Sigrún Birgisdóttir starfsmaður stýrihópsins „Brúum bilið“



**Viðauki við samning um framlag skóla- og frístundasviðs til sjálfstætt starfandi
leikskóla fyrir börn frá 18 mánaða til 6 ára**

1. gr.

Leikskólasvið, nú skóla- og frístundasviðs Reykjavíkurborgar, kt. 530269-7609 og Félagastofnun stúdenta, kt. 540169-6249 gerðu þann 19. maí 2010, með sér samning um rekstrarstyrk, hér nefnt framlag vegna vistunar reykvískra barna í leikskólanum Mánagarði.

Aðilar framangreinds samnings hafa ákveðið að gera viðauka við framangreindan samning.

2. gr.

Eftirfarandi breytingar eru gerðar á gildandi samningi :

- (i) Við 1. gr. bætist nýr málslíður, svohljóðandi: „*Jafnframt ber að fara eftir reglum Reykjavíkurborgar um styrki, þ.á.m. því að geta þess i kynningarrefni skólans að hann njóti styrks frá Reykjavíkurborg.*“
- (ii) Í 1. ml. 2. mgr. 2. gr., um framlag skóla- og frístundasviðs, falla niður orðin: „*eða þá að foreldrar fá greidda þjónustutryggingu.*“
- (iii) Í 5. mgr. 2. gr. falla brott orðin „*Í samræmi við reglur Leikskólasviðs um þjónustutryggingu er ...*“.
- (iv) Í 2. ml. 4. mgr. 7. gr. samningsins, um greiðslu framlags, falla út orðin „*eða þjónustutryggingu*“.
- (v) 1. mgr. 13. gr. samningsins verður svohljóðandi:
„*Samningurinn tekur gildi þann (dags. undirritunar). Samningurinn gildir til þriggja ára og fellur brott án uppsagnar að þeim tíma liðnum. Gerður er fyrirvari af hálfu Reykjavíkurborgar um fjárhagslegar skuldbindingar skv. samningnum estir fyrsta ár samningsins. Samningurinn er uppsegtanlegur af hálfu beggja aðila með sex mánaða fyrirvara.*“
- (vi) Í stað orðsins „*leikskólasvið*“ í samningnum skal standa „*skóla- og frístundasvið*“.

3. gr.



Reykjavíkurborg
Skóla- og fristundasvið

Viðauki þessi telst vera hluti framangreinds samnings milli aðila frá 19. maí 2010 og gilda sömu ákvæði um uppsögn og endurskoðun samningsins. Að því leyti sem ákvæði viðauka þessa og gildandi samnings kunna að teljast ósamrýmanleg gilda ákvæði viðaukans.

4. gr.

Rísi ágreiningur um efni og/eða túlkun samningsaðila á viðaukanum skal reka ágreiningsmál fyrir Héraðsdómi Reykjavíkur.

5. gr.

Viðauki þessi er gerður í tveimur samhljóða eintökum, sitt handa hvorum samningsaðila.

Viðaukinn er undirritaður af sviðsstjóra skóla- og fristundasviðs f.h. Reykjavíkurborgar og xxxx f.h. Félagsstofnunar stúdenta, sem ábyrgist að fyrir hendi sé heimild stjórnar skólans til að undarrita viðauka þennan.

Reykjavík 23. janúar 2015

F.h. Reykjavíkurborgar
skóla- og fristundasvið

F.h. sjálfstætt starfandi leikskóla

Vottar að dags. og undirritun:

Hagnýr Þórhilmarsson kt 020665-4739
Jón Guðmundsson kt 190665-4373

25. MAI 2010

Málsnr. LEIK 2010050295

Samningur um framlag Leikskólasviðs til sjálfstætt starfandi leikskóla fyrir börn frá 18 mánaða til 6 ára

Leikskólasvið Reykjavíkurborgar, kt. 530269-7609, hér eftir nefnt Leikskólasvið og Félagsstofnun stúdenta, kt. 540169-6249, gera með sér eftirfarandi samning um rekstrarstyrk, hér eftir nefnt framlag, vegna vistunar reykvískra barna í leikskólanum Mánagarði, hér eftir nefndur leikskólinn.

1. gr.

Reglur sem sjálfstætt starfandi leikskólum ber að fara eftir

Sjálfstætt starfandi leikskólar starfa skv. lögum nr. 90/2008 um leikskóla. Sjálfstætt starfandi leikskóli sem gerir samning við Leikskólasvið um framlag til leikskólans ber að fara eftir reglum Leikskólasviðs um leikskólapjónustu þar sem við á eða reglum sem koma í þeirra stað.

2. gr.

Framlag Leikskólasviðs

Framlag Leikskólasviðs er háð því skilyrði að leikskólinn hafi gilt rekstrarleyfi í Reykjavík. Leikskólasvið greiðir framlag vegna barna sem dvelja í leikskólanum og uppfylla skilyrði um aðgang í leikskóla Reykjavíkurborgar, þ.e. lögheimili barns og föst búseta er í Reykjavík og foreldrar þess eru ekki í vanskilum við Leikskólasvið, sjá nánar 2. grein í reglum Leikskólasviðs um leikskólapjónustu. Áður en leikskóladvöl barns hefst ber leikskólanum að kanna hvort skilyrðum framlags sé fullnægt, þ.m.t. hvort foreldrar séu í vanskilum við Leikskólasvið.

Einungis er greitt framlag með barni vegna vistunar á einum stað í einu, þ.e. í leikskóla eða hjá dagforeldri eða þá að foreldrar fá greidda þjónustutryggingu. Leikskólasvið greiðir með barni meðan uppsagnarfrestur er í gildi, þó að hámarki í einn mánuð og skal uppsögn miðast við 1. og 15. dag hvers mánaðar. Framlag er ekki greitt fyrir barn sem byrjar í vistun á nýum stað fyrr en að uppsagnarfrestur er liðinn.

Hefji barn nám í grunnskóla fellur niður réttur til framlags Leikskólasviðs.

Leikskólinn skal útbúa skriflegan dvalarsamning undirritaðan af leikskólastjóra / rekstraraðila og foreldrum barns. Breytingar á dvalarsamningi skulu einnig vera skriflegar og undirritaðar af báðum aðilum. Dvalarsamningur og breytingar á honum skulu vera aðgengilegar fyrir Leikskólasvið þegar óskað er eftir þeim.

Í samræmi við reglur Leikskólasviðs um þjónustutryggingu er leikskólinn skuldbundinn til að upplýsa Leikskólasvið um reykvísk börn á biðlista leikskólans og hvort foreldrum hafi verið boðið leikskólapláss fyrir barn.

3. gr.

Fjöldi barna og vistunartíma

Fjöldi barna sem greitt er framlag með er að hámarki 68 nema rekstrarleyfi leikskólans kveði á um færri börn. Ef rekstrarleyfi leikskólans breytist með þeim hætti að börnum skv. því fækki er greitt framlag vegna þess fjölda. Barn sem dvelur í leikskólanum í 5,5 klst. á dag eða skemur telst vera í hálfsdagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálfsdagsvistun reiknast sem eitt barn í heilsdagsvistun.

PFB
1
GB

Fjöldi niðurgreiddra dvalarstunda er í samræmi við 1. grein í reglum Leikskólasviðs um leikskólaþjónustu.

4. gr.

Rekstrarframlag

4.1 Rekstrarframlag fyrir börn frá 18 mánaða til 6 ára:

Leikskólasvið greiðir rekstrarframlag með þeim börnum sem dvelja í leikskólanum á hverjum tíma frá 18 mánaða aldri og þar til barn hefur grunnskólagöngu um 6 ára aldur, ef skilyrðum skv. 2. gr. samningsins er fullnægt.

Rekstrarframlagið er byggt á áætluðum heildarkostnaði (án húsaleigu) við börn í borgarreknunum leikskólum, skv. fjárhagsáætlun ársins, þ.e. áætluðum rekstrarkostnaði borgarrekinna leikskóla, á ársgrundvelli, þ.e. fyrir 12 mánaða tímabil að viðbættri fjárhæð vegna sameiginlegs kostnaðar borgarrekinna leikskóla sem ekki er áætlaður á borgarrekna leikskóla og að frádreginni húsaleigu og kostnaði vegna þjónustu og umsýslu vegna sjálfstætt starfandi leikskóla.

Heildarkostnaður (án húsaleigu) við hvert barn er tvískiptur, annars vegar kostnaður pr. barn í heilsdagsvistun og hins vegar kostnaður pr. dvalargildi, þ.e. vistunartími margfaldaður með barngildisstuðli. Rekstrarframlag á hvert barn er því reiknað út í tvennu lagi, fjárhæð pr. barn í heilsdagsvistun og fjárhæð pr. dvalargildi. Barn sem dvelur í leikskólanum í 5,5 klst. á dag eða skemur telst vera í hálsdagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálsdagsvistun reiknast sem eitt barn í heilsdagsvistun. Fjöldi dvalargilda fyrir hvert barn fer eftir fjölda dvalarstunda og aldri barns.

a) Rekstrarframlag fyrir hvert barn er reiknað út á eftirfarandi hátt:

Í þann hluta heildarkostnaðar (án húsaleigu) á ársgrundvelli sem er áætlaður pr. barn í heilsdagsvistun er deilt með áætluðum fjölda heilsdagsplássa í borgarreknunum leikskólum.

Mánaðarlegt rekstrarframlag fyrir hvert barn nemur 1/11 af árlegum heildarkostnaði að frádreginni mánaðarlegri hámarksgreiðslu foreldra, þ.e. greiðslu skv. gjaldskrá Leikskólasviðs vegna leikskóla Reykjavíkur margfölduð með 1,15, sjá nánar í yfirliti yfir rekstrar- og húsnæðisframlag í viðauka 1. Rekstrarframlagið er greitt út mánaðarlega með ellefu greiðslum en ekki er greitt í júlí.

Fjárhæð pr. barn á mánuði kemur fram í yfirliti yfir rekstrar- og húsnæðisframlag í viðauka 1.

b) Framlag fyrir hvert dvalargildi er reiknað út á eftirfarandi hátt:

Í þann hluta heildarkostnaðar (án húsaleigu) á ársgrundvelli sem er áætlaður pr. dvalargildi er deilt með áætluðum fjölda dvalargilda í borgarreknunum leikskólum.

Mánaðarlegt rekstrarframlag fyrir hvert dvalargildi nemur 1/11 af árlegum styrkgrunni að frádreginni mánaðarlegri hámarksgreiðslu foreldra, þ.e. greiðslu skv. gjaldskrá Leikskólasviðs vegna leikskóla Reykjavíkur margfölduð með 1,15, sjá nánar í yfirliti yfir rekstrar- og húsnæðisframlag í viðauka 1. Rekstrarframlagið er greitt út mánaðarlega með ellefu greiðslum en ekki er greitt í júlí.

Fjárhæð pr. dvalargildi á mánuði kemur fram í yfirliti yfir rekstrar- og húsnæðisframlag í viðauka 1.

Hlutfall fagmenntaðra starfsmanna leikskólans reiknast til hækunar eða lækkunar framlags fyrir hvert dvalargildi í samræmi við yfirlit yfir rekstrar- og húsnæðisframlag í viðauka 1. Leikskólanum ber að veita Leikskólasviði upplýsingar um fagmenntun starfsmanna sinna.

RPT
2

Veiti leikskólinn ekki þær upplýsingar er gengið út frá því við greiðslu framlags að engir starfsmenn séu með fagmenntun. Skilgreining á fagmenntuðum starfsmönnum kemur fram í yfirliti yfir rekstrar- og húsnæðisframlag í viðauka 1 og getur tekið breytingum. Heimilt er að endurskoða hlutfall fagmenntaðs starfsfólks og prósentuhlutfall á hækkun/lækkun greiðslu.

Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í 5 daga á ári, sem er sami dagafjöldi og hjá borgarreknum leikskólum, án þess að rekstrarframlag skerðist.

Hærra framlag með börnum einstæðra foreldra, öryrkja og námsmanna og hærra framlag vegna systkina er háð skilyrðum 6. gr. reglna Leikskólasviðs um leikskólapjónustu. Hærra framlag er ekki greitt afturvirkt og miðast við þann dag er gögnum er skilað til Leikskólasviðs.

Fjárhagsáætlun Leikskólasviðs liggur til grundvallar útreikningi framlagsins. Rekstrarframlagið endurskoðast árlega eftir að fjárhagsáætlun Reykjavíkurborgar hefur verið samþykkt, almennt í janúar ár hvert. Framlagið verður einnig endurskoðað ef breytingar verða í laga- og rekstrarumhverfi Leikskólasviðs, s.s. vegna breytinga á lögum, reglugerðum og kjarasamningum, fjárhagsáætlun Leikskólasviðs eða vegna kröfum um hagræðingu í rekstri.

4.2 Rekstrarframlag fyrir börn yngri en 18 mánaða:

Samningurinn gildir vegna barna 18 mánaða til 6 ára en hefji barn leikskóladvöl áður en það nær 18 mánaða aldri greiðist sama framlag og vegna vistunar reykviskra barna hjá dagforeldrum.

Greitt er rekstrarframlag fyrir börn hjóna og sambúðarfólks frá 9 mánaða aldri og fyrir börn einstæðra foreldra og námsmanna frá 6 mánaða aldri, til samræmis við núgildandi reglur um niðurgreiðslur til dagforeldra¹. Fjárhæð framlags er sú sama og niðurgreiðsla vegna barna hjá dagforeldrum. Rekstrarframlag er greitt út mánaðarlega með ellefu greiðslum á ári en ekki er greitt í júlí. Um framlagið gilda sömu reglur og um niðurgreiðslur til dagforeldra.

Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í 5 daga á ári, sem er sami dagafjöldi og hjá borgarreknum leikskólum, án þess að rekstrarframlag skerðist.

Hærra framlag með börnum einstæðra foreldra, öryrkja, námsmanna og hærra framlag vegna systkina er háð skilyrðum skv. 6. gr. i reglum Leikskólasviðs um leikskólapjónustu. Hærra framlag er ekki greitt afturvirkt og miðast við þann dag er gögnum er skilað til Leikskólasviðs.

Fjárhæð framlags kemur fram í yfirliti yfir niðurgreiðslur til dagforeldra í viðauka 2 við samning þennan og birt er á heimasiðu Leikskólasviðs, www.leikskolasvid.is.

Rekstrarframlagið endurskoðast í janúar ár hvert í samræmi við breytingar á fjárhagsáætlun Leikskólasviðs, sem liggur til grundvallar á útreikningi framlagsins. Heimilt er að endurskoða fjárhæð framlags oftar.

¹ Greiðslur vegna barna frá 6 mánaða aldri eru háðar sömu skilyrðum og gerð eru til að fá greitt hærra framlag vegna hjúskaparstöðu eða náms.

REB
3
GB

5. gr.

Húsnæðisframlag

Leískólasvið greiðir ekki húsnæðisframlag fyrir þau börn sem dvelja í leískólanum á hverjum tíma, enda er leískólinn leigulaust í húsnæði Reykjavíkurborgar.

6. gr.

Viðbótargreiðsla vegna barna með sérþarfir

Leískólasvið mun greiða fyrir sérstaka aðstoð og þjálfun skv. mati viðurkenndra greiningaraðila í samræmi við reglur Leískólasviðs sem gilda fyrir öll reykvisk börn sem vistuð eru í leískólum, sbr. 1. mgr. 22. gr. laga um leískóla nr. 90/2008. Reglurnar eru birtar á vef Leískólasviðs, www.leískolasvid.is.

7. gr.

Greiðsla framlags

Rekstrarframlag er greitt mánaðarlega, eigi síðar en 20. hvers mánaðar fyrir yfirstandandi mánuð. Greitt er í samræmi við upplýsingar í Nýja leískólakerfinu², þar sem leískólastjóri skráir upplýsingar um öll börn sem uppfylla skilyrði um greiðslu framlags. Veita þarf m.a. upplýsingar um nöfn allra barna, kennitölur, lögheimili, tímabil vistunar barns í yfirstandandi mánuði, fjölda dvalarstunda skv. dvalarsamningi og upplýsingar um hlutfall fagmenntaðra starfsmanna leískólans.

Skrá þarf upplýsingar vegna hærra framlags, s.s. vegna systkina, námsmanna, öryrkja og einstæðra foreldra í Nýja leískólakerfið. Skráning skal eingöngu gerð þegar öll skilyrði samningsins eru uppfyllt, auk þess sem viðeigandi vottorð, umsóknir eða staðfestingar þurfa að fylgja, sjá nánar í reglum Leískólasviðs um leískólapjónustu og gjaldskrá Leískólasviðs vegna leískóla Reykjavíkur á www.leískolasvid.is.

Leískólastjóri þarf að staðfesta skráningu upplýsinga (bunka) fyrir hvern mánuð, í síðasta lagi 10. hvers mánaðar. Ef frestuð verður á staðfestingu (bunkun) getur orðið samsvarandi frestuð á greiðslu framlags til leískólans.

Rekstrarframlag verður ekki greitt lengra aftur í tímann en 3 mánuði frá umsóknardegi. Ef Leískólasvið hefur greitt framlag fyrir barn, t.d. vegna annarrar vistunar eða þjónustutryggingu, verður rekstrarframlag lækkað um sömu fjárhæð.

Ef leískólinn verður var við mistök í greiðslu framlags ber honum að tilkynna Leískólasviði um þau án tafar.

8. gr.

Gjaldskrá

Gjaldskrá leískólans vegna barna, 18 mánaða og eldri, má aldrei vera hærri en sem nemur gjaldskrá Leískólasviðs, vegna náms og fæðis barna í leískólum borgarinnar, margfölduð með 1,15.

9. gr.

Fjárhagsleg ábyrgð

² Unnið er að gerð nýs upplýsingakerfis fyrir Leískólasvið sem tekið verður í notkun á árinu 2010.

Leikskólinn ber alla ábyrgð á rekstri leikskólans. Réttarsamband leikskólans og viðskiptavinar hans er einkaréttarlegs eðlis og Leikskólasviði óviðkomandi. Leikskólanum er óheimilt að framselja samning þennan eða réttindi samkvæmt honum.

10. gr.

Eftirlit

Leikskólasvið fer með lögbundið eftirlit með starfsemi leikskólans og einnig með eftirlit með efndum samningsins.

Leikskólinn skal afhenda Leikskólasviði ársskýrslu og gjaldskrá fyrir lok ágúst ár hvert. Breytingar á gjaldskrá skal tilkynna Leikskólasviði þegar þær taka gildi.

Áritaður ársreikningur af löggiltum endurskoðanda og önnur gögn, sem nauðsynleg eru vegna eftirlits með efndum samningsins, skulu vera aðgengileg fyrir Leikskólasvið.

11. gr.

Endurkrafa á ofgreiddu framlagi

Komi í ljós að Leikskólasvið hafi ofgreitt framlag af einhverjum ástæðum, t.d. vegna rangra upplýsinga eða mistaka mun Leikskólasvið lækka framlag til leikskólans við næstu greiðslu sem því nemur eða krefjast endurgreiðslu þrátt fyrir að barn sem ofgreidd hefur verið vegna sé hætt í leikskólanum. Leikskólinn getur óskað eftir að endurgreiðslu verði skipt á þrjá mánuði.

12. gr.

Breytingar á lögum og reglugerðum

Verði breytingar á starfsumhverfi leikskóla vegna breytinga á lögum eða reglugerðum um leikskóla er aðilum samningsins heimilt að endurskoða ákvæði þessa samnings með tilliti til þeirra.

13. gr.

Gildistími og uppsögn

Samningurinn tekur gildi 1.ágúst 2010. Samningurinn er uppsejanlegur af hálfu beggja aðila með sex mánaða fyrirvara.

Ákvæði þessa samnings sem vísa til reglna Leikskólasviðs um leikskólapjónustu taka breytingum til samræmis við breytingar á reglum um leikskólapjónustu eða reglna sem koma í þeirra stað, án sérstakrar tilkynningar eða uppsagnar af hálfu Leikskólasviðs.

14. gr.

Varnarþing

Rísi mál út af samningi þessum skal það rekið fyrir Héraðsdómi Reykjavíkur.

REB
5
63


Reykjavík, 19.maí 2010

F.h. Reykjavíkurborgar





Hanna Birna Kristjánsdóttir
Borgarstjóri

F.h. Félagsstofnunar stúdenta ehf.



Guðrún Björnsdóttir

Vottar að réttri dagsetningu, undirritun og yfirlýsingu aðila um fjárræði sitt



Viðaukar

Viðauki 1: Um rekstrar- og húsnæðisframlag

Viðauki 2: Um niðurgreiðslur til dagforeldra

Viðauki 3: Um reglur um leikskólaþjónustu

PtB
6
GB

Reglur

Reykjavíkurborgar um leyfi til reksturs leikskóla.

1. gr.

Leikskólaráð Reykjavíkurborgar getur veitt sjálfsignarstofnunum, hlutafélögum og öðrum aðilum sem reka fyrirtæki samkvæmt öðru viðurkenndu rekstrarformi heimild til að byggja og / eða reka leikskóla í Reykjavík. Um slíka leikskóla gilda ákvæði laga um leikskóla nr. 90/2008 eftir því sem við á.

Umsókn skal fylgja staðfesting á rekstrarformi og samþykkir félagsins.

2. gr.

Heimilt er að binda leyfi við hámarks fjölda barna. Ákvörðun um fjölda barna skal m.a. byggð á eftifarandi þáttum:

- Húsnæði og lóð sem fyrirhugað er að nota fyrir leikskóla skal taka mið af þörfum barna og þeirri starfsemi sem fram fer í leikskóla. Lögð er áhersla á öruggt og rúmgott náms- og starfsumhverfi. Gert skal sérstaklega ráð fyrir rými fyrir sérfræðibjónustu vegna barna með sérþarfir og vinnuaðstöðu starfsfólks.
- Aldursdreifingu barna og sérþörfum þeirra.
- Lengd dvalartíma.
- Fjölda starfsmanna og samsetningu starfsmannahópsins.

Umsókn þurfa að fylgja upplýsingar um húsnæði sem fyrirhugað er að nota fyrir leikskólann ásamt málsettum teikningum af húsi og lóð, vottorði Vinnueftirlits ríkisins og heilbrigðiseftirlits Reykjavíkurborgar. Einnig þurfa að fylgja umsókn upplýsingar um fyrirhugaða starfsemi leikskólans sérstaklega með hliðsjón af því hvernig aldursdreifingu barna verður háttað og hversu mörg börn með sérþarfir leikskólinn getur tekið á móti, hvað boðið verður upp á langan dvalartíma og hvernig samsetning starfsmannahópsins verður.

3. gr.

Við leikskóla skal starfa leikskólastjóri sem hefur starfsheitið leikskólakennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 87/2008 um að í 2/3 hluta stöðugilda við kennslu, umönnun og uppeldi barna séu ráðnir leikskólakennrarar.

Rekstraraðila ber að láta alla starfsmenn leikskólans undirrita yfirlýsingum um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls

4. gr.

Umsækjandi skal gera grein fyrir því í umsókn sinni hvernig hann hyggst skipuleggja og framkvæma þjónustu við börn með sérþarfir.

5. gr.

Þegar sótt er um leyfi til reksturs leikskóla skal liggja fyrir skólanámskrá væntanlegs leikskóla, sem felur í sér uppeldis- og námsáætlun leikskólans, markmiðssetningu í starfi og leiðir til að ná þeim markmiðum.

Áður en leikskólinn tekur til starfa ber að skila til leikskólaráðs starfsáætlun, þar sem gerð er grein fyrir árlegrí starfsemi leikskólans, svo sem skóladagatali og öðru sem varðar starfsemi leikskólans. Starfsáætlun á að skila árlega samkvæmt nánari ákvörðun leikskólaráðs.

Leikskólinn skal leggja fram áætlun um hvernig brugðist skuli við þegar slys og óhöpp verða.

6. gr.

Leikskóla sem fengið hefur rekstrarleyfi er skylt að meta með reglubundnum hætti gæði leikskólastarfsins. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.

Leikskólasvið Reykjavíkurborgar framkvæmir ytra mat og hefur eftirlit með sjálfstætt reknum leikskólum. Ber leikskólunum að láta Leikskólasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Samþykkt í leikskólaráði

26. nóvember 2008